



Suprastonza communal

Repartiziun dils departaments per la perioda d'uffeci 2022 – 2025 ed elecziun dil vicepresident communal

En sia seduta dils 16-06-2022 ei la suprastonza communal seconstituida ed ha repartiu ils departaments sco suonda sin ils singuls commembers dall'executiva:

President communal Patrick Schaniel

Departament: administraziun generala, planisaziun locala, finanzas e taglias, economia publica en general, survegionza dil dretg, stab da crisa, medias
Cuntegn: ressort 1, 2, 13
Substituziun entras: vicepresident communal

Gerai Rest Andriu Bearth

Departament: segirtad publica, fatgs da baghegiar, baselgias e capluttas, santeris ed uorden da satrar, agricultura
Cuntegn: ressort 6, 6.1, 9, 11
Substituziun entras: Meinrad Degonda

Gerai Cornelia Cathomas

Departament: provediment d'aua, dismessa d'aua piarsa, traffic, ambient (economia da rumians)
Cuntegn: ressort 3, 5, 12
Substituziun entras: Rest Andriu Bearth

Gerai Meinrad Degonda

Departament: forestalessar, correcziuns da flums ed uals, rempars e lavineras, sendas e piogns, vias da velo e loipa, turissem
Cuntegn: ressort 4, 8.1
Substituziun entras: Gion Battesta Huonder

Gerai Gion Battesta Huonder

Departament: scolaziun, cultura e temps liber, sanadad, beinstar social
Cuntegn: ressort 7, 8, 10
Substituziun entras: Cornelia Cathomas

Plinavon ha la suprastonza communal elegiu tenor art. 39 dalla constituziun communal gerai Rest Andriu Bearth, Sumvitg, sco vicepresident per igl onn da fatschenta 2022/2023.

Uffeci civil Surselva

Mortori

Bearth-Duff Johanna, naschida ils 20-11-1948, morta ils 18-06-2022, stada sesenta a Sumvitg.

Deplazes-Maissen Tumaisch, naschius ils 10-12-1933, morts ils 21-06-2022, staus sesents a Rabius.

Sumvitg, 01-07-2022

Controlla da habitonts

Fiasta da stad en Casa s. Martin, Trun

Sonda, ils 2 da fenadur, envida la Casa s. Martin a Trun parents ed enconuschents da nossas cussadentas e cussadents sco era vischinas e vischins dalunsch e damaneivel all'usitada fiasta da stad cun grillada, buffet da salata e dessert. L'occurrenza ha liug denter las 11.00–16.30. Vossa viseta fagess a nus grond plascher, seigies beinvegni! *Meinacasa e persunal*

Meisa da miezdi (gentar communabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi dueiesser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun.

Liug: «Ustria dalla Staziun», 7176 Cumpadials

Datum: venderdis, ils 8 da fenadur 2022, allas 12.00

Annunzias: Ein da far entochen **mesjamna**-sera tier «Ustria dalla Staziun», Cumpadials, tel. 081 943 19 22